

ՀՈԳԵՒՈՐ ՀՈՎԻՒԻ 1966 ՏԱՐԻՈՅ ՏԵՂԵԿԱԳԻՐ

Բարձրեալն Աստուծոյ գթառատ ողորմութեամբ առողջութեամբ եւ հոգեւոր զօրութեամբ բոլորեցինք 1966 տարին եւ հասանք նորի սեմին:

1966 տարին մեր եկեղեցւոյ համար հանդիսացաւ բազմաշխատ եւ արդիւնաւէտ տարի մը, թէեւ ունեցանք բազմաթիւ թանկագին կորուստներ, որոնք Ս. Եկեղեցւոյս համար օգտակար զաւակներ էին:

Ուրախ ենք յայտնելու թէ Ս. Եկեղեցիս յարատեւ կը բարգաւաճի եւ իրաւասու անդամներու թիւը կ'աւելնայ:

Ամփոփելով մեր մէկ տարուան գործունէութիւնը սեղմ գիծերով կը ներկայացնենք ըստ հետեւեալին.-

1.- Կրօնականք-Արարողականք:

Անխափան տարուան բոլոր կիրակիներուն Ս. Պատարագ ունեցանք: Ամէն Կիրակի քարոզեցինք կրօնաշունչ եւ ազգաշունչ ոգիով ու պարզ եւ յստակ ոճով, ամենուն հասկնալի ըլլալու համար: Երբեմն քարոզեցինք նաեւ անգլերէն լեզուով:

2.- Մկրտութիւնք:

Այս տարի կատարեցինք 35 մկրտութիւններ: Հեզգհետէ մեր ժողովուրդը անսալով մեր յորդորներուն իրենց զաւակները կը բերեն շատ փոքր եղած ատենը, համաձայն մեր աւանդութիւններուն: Բժախնդիր եղած ենք հայեցի անունին եւ կնքահօր Հայ Եկեղեցւոյ զաւակ լինելուն, համաձայն մեր կանոնաց եւ Առաջնորդի հրահանգին:

3.- Պսակադրութիւնք:

Օրհնած ենք 14 պսակներ, որոնց 9 հատը օտարի հետ: Բոլորին տուած ենք ներդաշնակ եւ հաշտ ապրելու խրատներ: Կը յորդորենք հայ ծնողները որ իրենց զաւակները Հայ Եկեղեցի առաջնորդեն եւ անոր կազմակերպութիւններուն պատկանին, որպէս զի հայու հետ ծանօթանան եւ ամուսնանան:

4.- Մահազրուութիւնք.-

Կատարած ենք 66 թաղումներ: Այս թիւը բաղդատմամբ ծնողներու՝ կրկնապատիկ է: Իսկ պսակուողներու՝ գրեթէ հնգապատիկ: Այս տարուան նշեցեալներու միջին տարիքը եղած է 74.5: Այցելած ու մխիթարած ենք բոլոր նշեցեալներու պարագաները: Խօսած ենք պատշաճ դամբանականներ: Թելադրած ենք որ փոխան ծաղիկի նուիրահաւաքութիւն արտօնեն ի նպաստ եկեղեցւոյ: Իսկ նուէրներու ցանկերը պատրաստած ենք ընտանիքին քով մեր այցելութեան առիթով:

5.- Դիւանական Աշխատանք:

Գրասենեկային եւ դիւանական աշխատանքը շարունակած ենք ըստ առաջնոյն: Առաւօտները եւ գիշերները աշխատանքով հոն անցուցած ենք երբ դուրսը պարտաւորիչ գործեր չենք ունեցած: Առաջնորդարանի հետ պահած ենք կանոնաւոր յարաբերութիւն: Կանոնական որ եւ է հարցի շուրջ գրած ենք Առաջնորդ Սրբազան Հօր եւ անոր արտօնութիւնը ապահովելէ ետք միայն դրական քայլ առաջ ենք: Մեր դիւանատունը հասած որ եւ է նամակ ունեցած է իր պատասխանը եւ որ եւ է հեռախօսային հարց՝ իր լուծումը: Միակն խորհուրդի եւ ենթամարմիններու որ եւ է դիւանական գործ որ մեզի յանձնուած է կատարուած է իր օրին: Բոլոր նամակները դասաւորուած եւ իւրաքանչիւր թղթածրարներու մէջ պահուած են:

6.- Պատգամաւորական Ժողով եւ Առաջնորդի Ընտրութիւն:

Ապրիլին վերջը մասնակցեցանք Թեմական Պատգամաւորական Ժողովին եւ նոր Առաջնորդի ընտրութեան: Իսկ Հոգեւորականաց Համագումարին մէջ ալ կատարեցինք ատենադպրի պաշտօնը: Մասնակցեցանք նաեւ Սեպտեմբերին սկիզբը Հայ Երիտասարդաց Կազմակերպութեան Պատգամաւորական Ժողովին:

մէն մի անգամը որ եկեղեցի եւ փորձի գալով իր պարտականութիւնը կատարէ: Ի սրտէ կը գնահատենք իւրաքանչիւր անգամին կատարած աստուածահաճոյ գործը եւ երգեհոնահարին ալ կանոնաւոր օժանդակութիւնը:

Իսկ սարկաւազները կը ծառայեն Սուրբ Սեղանին եւ օրինակելի պարտաճանաչութեամբ եկեղեցի կու գան: Կը գնահատենք անոնց ծառայութիւնը եւ մեր անկեղծ շնորհակալութիւնները կը յայտնենք բոլորին:

12.- Ենթամարմիններ:

Մեր բոլոր ենթամարմինները արդէն ձեզի պիտի ներկայացնեն իրենց տարբեր կան տեղեկագիրները: Միշտ հետաքրքրուած ենք իրենց գործունէութեամբ եւ մեր կարելի միջոցներով ներկայ եղած ենք անոնց ժողովներուն: Ժողովէն առաջ միշտ տեղեկ եղած ենք իրենց օրակարգերուն ատենապետներուն հետ շրջաման գալով: Մասնաւոր ծրագիր կը պատրաստենք որպէս զի կարելիութիւն ունենանք կրօնագիտական դասախօսութեանց շարք մը սկսիլ եւ անոնց սորվեցնել չայ եկեղեցւոյ գիտելիքները եւ հաւատալիքները:

13.- Դպրոցներ:

Ունինք երկու տեսակ դպրոց: Հայերէն լեզուի եւ կրօնի: Միշտ քաջալերեղած ենք խօսքով ու գործով երկուքին համար ալ: Երբեմն առաջինին այցելութիւն տուած եւ իրազեկ դարձած ենք տարուած աշխատանքներուն: Խնամակալութեան ատենապետ Պ. Տիգ Մուրատեան հայ լեզուի ուսուցման համար նուիրեալ մըն է իր վարչութեամբ եւ ուսուցչական կազմով:

Իսկ Կիրակնօրեայ դպրոցի տեսուչ Պ. Ճան Արոյեան ամէն շաբաթ հեռախօսի վրայ եւ կամ անձամբ այցելութեամբ մեզի տեղեկութիւն տուած է կատարուած ու կատարուելիք գործերու մասին եւ մեր թելադրութիւնները առած է: Ան երբեք մեր հրահանգէն դուրս չէ ելած եւ իր ուսուցչական կազմով ու տուեալ պայմաններու տակ սքանչելի գործ կատարած է:

Տէրը օրհնէ Հայերէնի եւ Կիրակնօրեայ Դպրոցներու անխոնջ մշակները որոնք կը գործեն Մեծասքանչին եւ Աստուծոյ փառքին համար:

14.- Քարտուղարուհի:

Վերջապէս ունեցանք իր գործին տէր, գիտակից, աշխատասէր եւ շնորհալի քարտուղարուհի մը որ շաբաթը 20 ժամ կը յատկացնէ մեր գործին: Թէեւ քանի մը ամիսէ ի վեր ան մեզի հետ է, բայց արդէն դարձած է մեզմէ մէկը եւ կանոնաւորած է իր գրասենեակը եւ հեռախօսային կամ անձնական յարաբերութիւնները կը պահէ ամենայն լրջութեամբ, մամեստութեամբ եւ ազնուութեամբ: Մեր քարտուղարուհին կը կոչուի Տիկ. Կրէյս Յակոբեան: Թէեւ հայերէն չի կրնար կարդալ բայց լաւ կը խօսի:

15.- Լուսարար:

Ս. Եկեղեցւոյս Լուսարարը Պ. Պետրոս Առաքելեան եկեղեցւոյ կառուցումէն ի վեր օրինակելի ճշդապահութեամբ եւ բծախնդրութեամբ հոգ կը տանի մաքրութեան եւ կարգապահութեան: Եկեղեցին իր աչքին լոյսն է, եւ ըստ այնմ կը գուրգուրայ անոր վրայ: Մեր այցելած բոլոր եկեղեցիներուն ամենէն մաքուրն է մերը, որով դուք կրնաք հպարտանալ: Պ. Առաքելեան ամէն օր կը մաքրէ նաեւ ծխատան առաջին յարկը, հոգ կը տանի պարտէզին, կը հաւաքէ տերեւները եւ կը մաքրէ ձիւները: Ասոնցմէ զատ ան կը տպէ մեր եւ ենթամարմիններուն բոլոր շրջաբերականները, անդամներուն եւ ՏԱՃԱՐԻՆ հասցէները եւ մեքենային վրայ կը ծալլէ բոլոր շրջաբերականները: Իսկ Կիրակի առտուններն ալ կը մասնակցի արարողութեանց եւ կը ծառայէ Պատարագի ատեն: Մեզի կ'օժանդակէ նաեւ Մկրտութիւններու եւ թաղումներու ատեն: Կը գնահատենք իր ճշդապահութիւնը, բծախնդրութիւնը, մաքրութիւնը եւ հաւատարմութիւնը ու շնորհակալութիւն կը յայտնենք մեզի ըրած ծառայութեանց համար:

Իսկ սրահներու պատասխանատուութիւնը բարեբախտաբար մեր վրայէն վերցուած եւ յանձնուած է հոգաբարձուներէն միոյն: Մեր նոր տնտեսը թէեւ օտար է, բայց յարգալից է: Իրեն հետ ուղղակի գործ չունինք, բայց որպէս Հովիւ եւ նախագահ Միական Խորհուրդին որ եւ է ատեն չէ մերժած մեր հրահանգը: Այս ուղղութեամբ գնահատելի է:

Քիչ վերը յիշեցինք թաղումներու սպասարկութիւնը: Այս առիթով մեր խորին շնորհակալութիւնները կը յայտնենք Տիկին Հէլըն Մուրտճեանի որ հակառակ փոքր երախայ ունենալուն միշտ կու գայ ու կը նուագէ վթաղմանական կարգը աւելի վեհ դարձնելով:

16.- Տաճար:

Այս տարի 'Տաճար' ին ձեւը փոխեցինք եւ էջերը բազմապատկեցինք որ աւելի լաւ ընդունելութիւն գտաւ: Կը հրատարակենք 1500 օրինակ: Խմբագրութիւնը կը վարենք մենք: Հայերէն բաժինը կը մեքենագրենք մենք, իսկ անգլերէն բաժինը՝ մեր քարտուղարուհին: Տպագրական գործին կը հսկէ Պ. Տիգ Մուրտճեան, որ կը շինէ նաեւ պատկերները: Գնահատելի է իր տարած աշխատանքը:

17.- Այցելութիւնք:

Մեր այցելութեանց տեսակը եղած է երկու: Առաջինը հիւանդաց: Մեզի համար նշանակութիւն է ունեցած երբեք վայրին մօտիկութիւնը կամ հեռաւորութիւնը, եւ ժամանակին գիշերը կամ ցերեկը: Այցելած ենք երբ իմացած ենք: Իսկ ծխական այցելութիւն տուած ենք այնքան որքան ժամանակ մնացած է միւս գործերէն: Միշտ շեշտած ենք թէ ծխական այցելութիւն ակնկալողներ թող հեռաձայնեն ու ժամադրութիւն առնեն: Այս պարագան թէ իրենց լաւ է եւ թէ մեզի:

18.- Արտաքոյ Մառայութիւն:

Կանոնաւոր կերպով այցելած ենք ծերանոց: Տօնական օրերուն հաղորդած ենք բոլորը: Միշտ քարոզած ենք եւ երբեմն ալ կարճ արարողութիւն կատարած: Ներկայ եղած ենք քոյր եկեղեցիներու եւ այլ կազմակերպութեանց ճաշկերոյթներուն կամ ժողովներուն եւ խօսած: Ըրած ենք նաեւ բազմաթիւ դասախօսութիւններ:

19.- Եկեղեցւոյ Կահոյք եւ Սպասներ:

Հետզհետէ կը կահաւորենք մեր եկեղեցին պէտք եղած առարկաներով: Մեր դասը հարստացաւ առաջնորդական եւ հովուական աթոռներով, որոնց գծագրիչն է ճարտարապետ Ճան Տէնիլըսըն, եւ դպիրներու աթոռներով: Սեղանները նոր աշտանակներով զարդարուելէ ետք ներկայիս սկսան գեղեցկանալ ոսկեպատ Աւետարաններով, սկիհներով եւ միւռոնթափ աղանիով: Իսկ մնացած պակասները կը յուսանք լրացնել ի մօտոյ բոլոր նուիրատուներուն գոհացում տալով: Արդէն Ս. էջմիածնի մէջ մեր աւագ սեղանին համար պատրաստուած է հազար տոլար արժողութեամբ խաչ մը, զոր կը յուսանք մօտ ատենէն ստանալ: Ասիկա նուէրն է հանգուցեալ Օր. Նուարդ Մաղալեանին:

Տէրը օրհնէ բոլոր ողջ նուիրատուները եւ լուսաւորէ հոգիները ննջեցեալ նուիրատուներու:

20.- Աւետարանի Ցուլքեր:

Այս տարի եւս ՊԱՅՔԱՐԻ մէջ շարունակեցինք մեր կրօնաբարոյական սիւնակը, որ ամէն շաբաթ կը կարդացուի շուրջ տասը հազար ընթերցողներէ: Գնահատանք ստացած ենք ոչ միայն մեր եկեղեցականներէն եւ ժողովուրդէն, այլ միւս յարանուանութեանց պետերէն եւ ժողովուրդէն: Որով գոհունակութիւն կ'ուենենանք որ ձեր հովիւին հոգեշունչ խօսքերը կը հասնին շատ հեռուները եւ կ'ուենկնդրուին բոլորէն:

Հուսկ ուրեմն, միամեայ ամփոփ տեղեկագիր մը ներկայացնելով այս պատկառելի ժողովին կ'ուզենք յիշեցնել թէ անցնող Դեկտեմբեր 31ին այս եկեղեցւոյ մէջ մեր ծառայութեան տասնհինգամեակը լրացաւ: 15 տարի շարունակ գործեցինք գիշեր ու ցերեկ, վազեցինք ամառ ու ձմեռ որպէս զի տարողնուած մեր բարեպաշտ ժողովուրդը ի մի հաւաքենք, իր կրօնական զգացումները արթնցնենք, նոր եկեղեցի շինենք, մեր մատաղ սերունդը հոգ կեդրոնացնենք ու մեր հայրերու թանկագին հաւատքով դաստիարակենք եւ սատարենք ազգապահպանման եւ հայ հաւատքի յաւերժացման:

Յաջողեցանք թէ ձախողեցանք մեր ծրագրին ու առաքելութեան մէջ: Ձեռք
զիտեր: Պատասխանը գործին արդիւնքը եւ ղուք միայն կրնաք տալ: Իսկ մեր
միակ բաղձանքն է այսօր տեսնել հրաշք մը՝ որով Տէրը իրենց յաւիտենական
քունէն արթնցնէ բիւրիցս երանելի մեր մեծ ուսուցիչները՝ Բաբգէն Կաթողի-
կոսն ու Շահէ Սրբազանը եւ մեզ հոգեւորականութեան հրաւիրող եւ մասնաւո-
րապէս այս եկեղեցւոյ վրայ ձեռնադրել տուող լուսաբնակ մեծ հանճար Գարե-
գին Կաթողիկոսը, որ իրենց կենդանի աչքերով տեսնել է յետոյ դատեն իրենց
տրուպ աշակերտին եւ ձեռնասունին կատարած աննշան գործը: Այն ատեն երեքը
մէկ միութեան վերածելով պիտի ըսենք. 'Չքոյս ի քոյոց քեզ մատուցանեմ':
'Մառայք անպիտանք եմք, զոր պարտէաքն առնել արարաք':

Իսկ ձեր բոլորին կը հայցենք աստուածային օրհնութիւն եւ քաջառողջ
արեւշատութիւն եւ կը յայտնենք մեր սրտագին շնորհակալութիւնները, վասն
զի մեր յաջողութիւնները կը պարտինք ձեր բարեացակամ աշակցութեան ու զի-
հողութեան եւ երկու անգամ վարձատրուեցանք Ազգիս Վեհափառ Հայրապետէն
ի պատիւ ձեզի:

Առաքել Կ. ԲՆՅ. Մազսուտեան
Բաբգէն Կ. Կաթողիկոս

Բաբգէն Ա. ԲՆՅ. Մազսուտեան
Հոգեւոր Հովիւ
Ս. Երրորդութիւն Եկեղեցւոյ

Գէմպրիճ, 28 Յունուար 1967